

義

禮

糾

解

儀禮紉解卷之十二

安溪王士讓述

士喪禮上第十二

此主謂諸侯之士喪其父母、自始死至於既殯之禮。士之子爲父喪禮亦如之。喪於五禮屬凶。與下篇既夕原爲一篇、分爲上下耳。雜記、恤由之喪、哀公使孺悲之孔子、學士喪禮。士喪禮於是乎書。泊邨吳氏曰、此主有位之士、其子喪之之禮。至士之父母妻長子死、喪之從同、仕焉而已者、禮亦如之。若未仕之士、未必有赴于君君弔之事、而其他亦或從殺矣。曲禮曰、居喪未葬、讀喪禮。古人當吉祥時、應少預肄及凶喪者、而遭喪之家、必藉曾

學喪禮者爲之治
其事焉可知也。

士喪禮。此總包上下
二篇而言。

右篇目

死于適室、幬用斂衾。

適室、正寢之室也。死于此、
正也。幬、覆也。斂衾、大斂所

并用之被也。其小斂之衾、當陳之。穆亭李氏

曰、寢疾者、未必皆於適室。故言此以明革時必

遷於此、以終于正。家禮云、疾病遷居正寢、朱子

易簣時、移寢中堂、卽其義證也。所以然者、以下

諸禮、必正寢乃可行。若下室、則不備牖戶、當西

階之制矣。此衾、遷牀之後、卽用以幬。蓋於革時

預辨之。士讓按疏云、適室、卿大夫士亦謂之

適寢。正寢也。天子諸侯謂之路寢。路、大也。對燕

寢側室下室言爲正寢終必于正寢或有終于小寢等亦必遷於正寢以行禮然已先不得其正矣

右始死記士處適寢寢東首于北墉下適云

寢明經所謂適室者爲適寢之室耳東首者鄉生氣之所北墉下亦取一陽始生之力泊邨吳氏曰玉藻君子寢恒東首但平常或隨意所適病居適寢必東首亦謹疾之意也若君問之則遷於南牖下仍東首有疾疾者齊養者皆齊則齊居于適寢正性情也養者男女皆齊欲專心於所養也泊邨吳氏曰養者必調劑其湯藥節適其飲食抑搔其痛癢無所不至其齊也亦慎之又慎云爾徹琴瑟齊者

不樂以疾故微之。疾病外內皆埽。疾甚曰病。

疾愈則仍設之也。疾病外內皆埽。為有賓來。

問故皆埽。三禮館議固為賓來且將有事。

病者度不可起則更不可以埽也。下記朔食。

童子乃從入而埽室則知初喪後無致。徹褻。

潔之事矣。士讓按亦以齊宜潔淨也。

衣加新衣。衣云褻見其非上衣新者亦非上。

爾之屬病中垢污者至將死易新者以潔其。

終焉疏以為徹立端加朝服不必然也始死。

羔裘立冠易之謂御者四人皆坐持體。御侍。

生者耳不足為証。御者四人皆坐持體。

也扶持之為男女改服。主人深衣泊邨吳。

其不能屈伸。男女改服。氏曰深衣白布為之。

士服無質於此者而非因屬續以俟絕氣。為。

服故當死生之際無嫌也。屬續以俟絕氣。

其

氣微難節也。續新綿易動搖。置口鼻之上以爲候。

男子不絕於婦人

之手。婦人不絕於男子之手。

疾時使御者持體併死於其手。

若婦人則內御者持體還死於其手。君子重終爲其相襲。乃行禱于五祀。盡孝子之情也。禱于平常所祭者。禱是正禮。自合有應。不可謂知其無是理而姑爲之。士得祭五祀亦於此可見。泊邨吳氏曰非至將絕始禱也。禱之加迫耳。亦遣人分禱之。以主人不可離病也。其乃卒主人啼兄弟哭。卒儀或第行釋奠而已。也。君子曰終。啼泣也。哀甚氣竭而息聲不委曲。若往而不反。齊衰以下哭。於是始去冠而笄纚徒跣。扱上衽。

復者一人以爵弁服簪裳于衣左何之扱領于

帶。復者有司招魂冀魂復來歸魄也。天子則夏

若隸子弟一人爲之爵弁服則純衣纁裳也。此

士助祭於公之服簪連綴也。常時衣裳各別。此

則以裳連綴于衣何于左肩扱其衣領于帶閒

而空右手爲登梯備顛蹶也。泊邨吳氏曰凡

復者朝服士有司得朝服於士冠特牲禮見之

左何者何於左肩兼以左手抱之簪裳又扱領

備遺脫也。升自前東榮中屋北面招以衣曰舉某復

三降衣于前。前東榮東方之南榮也。中屋屋脊

之中也。北面招求諸幽之義也。舉

長聲某死者名。凡復男子稱名婦人稱字。大夫

以下皆然。聲三者一號於上一號于下一號於

中冀神自天地開來亦禮成於三之意降衣於前擲衣南檐庭下。士讓按降只言衣不云升與裳者升第以名其服不。受用篚升自阼階以。以復裳連于衣降則俱降。衣尸復者降自後西榮。受之於庭也。招者一人。服受之。升自阼階象其友也。衣尸者覆尸後西榮西方北榮降於此者與升時相變也。不由前降不以虛反也。降而遂徹西北扉自是行死事。泊邨吳氏曰受用篚以爲魂之所依不可徒手受慎之也。復時衣以衣尸者欲魂附衣復於體魄而更生也。徹扉者匪特除不祥亦以通天光欲其神自上而下且洩室中蘊隆之氣以護尸也。此所徹者卽正寢之扉。士讓按復者升自東榮求諸陽也。招諸北面求諸陰也。受者升自阼階象生者之所升也。復者降自西榮悲死

者之所往也。徹扉西北隅達陰氣也。凡此皆當死生之交會通陰陽之精氣。

右復復者朝服左執領右執要招而左。

此謂

既登屋而執爵弁服如此也。招而左謂招時兩手自右而左也。左尊也。朝服者敬其事。士凡有禮事有司皆朝服。故復者朝服。冀死者之魂識之而依之以反也。三禮館議復而後行死事則遷尸於床。幰用斂衾當在既復之後。經以死于適室先之。立文不得不然。要之初死卽復復後乃幰用斂衾耳。

楔齒用角柶綴足用燕几。

楔齒爲將含恐其口閉急也。綴連之使正。

燕几燕居所憑以安體者。爲將屨恐其辟戾故綴之。

右楔齒綴足。設牀第。當牖。衽。下莞。上簟。設

枕。遷尸。

牖。南牖。衽。臥席也。遷尸者。徙於南牖下。當牖南首。幰以斂衾。小臣乃楔綴

之。穆亭李氏曰。喪大記。有廢牀之說。蓋臥病之牀。容有灑污。故始死之後。卽徹其牀。而別設一牀以遷之。而因以爲沐浴徹牀而云。廢者。以死於是牀。故惡其牀。若以爲不可用者然。說者緣廢牀字。乃謂寢尸於地。冀其受氣復生。殆未可信。泊邨吳氏曰。檀弓載請襲于牀。則襲亦有在地者。遷尸時。廢舊牀。暫置地。俟設新牀。亦容有之。士讓按。亦緣在地。不安于人心。故請襲于牀。于游卽。諾之。而後世多從之。可見禮以情起。楔貌如輓。上兩末。輓。馬鞅輓馬領也。上兩末。以兩末向上。令以屈處入口。而末出於口。

旁取出綴足用燕几校在南御者坐持之

几校

時易也。脛也。尸南首以几校向南綴其足。又使御者持夾之則几不欹側也。

奠脯醢醴酒升自阼階奠于尸東

鬼神無象設奠以馮依之

始死未暇改異故以生時皮閣上所餘脯醢爲一邊一豆而已醴酒雖金言或科用其一或曰奠此四物也此時尸南首東乃其右奠於右若便其飲食然其升之序蓋醴先而酒脯醢從既奠則降自西階朱子曰自葬以前皆謂之奠其禮甚簡蓋哀不能文而於執死者亦未忍遽以鬼神之禮事之也三禮館議士奠以朋友不足則取于大功以下者蓋外親及同宗之輕服者皆可爲之也執奠物各一人此奠應用四人餘放此士亦有臣臣重服不以執奠
皋軒

李氏曰人生卽知飲食故禮始諸飲食詩曰神
嗜飲食喪禮之奠曾無曠時此爲知鬼神之情
狀。穆亭李氏曰用餘闕者蓋於不忍死其親
之中寓不敢褻其餘之意非止爲不暇共其新
也。帷堂爲尸未設飾也於死者有辟惡之道於
生者有別嫌之道其帷之節蓋南北近
堂廉而東西
則近兩階與。

右奠帷堂

卽牀而奠當隅用吉器若醴若

酒無巾枵

隅肩頭也器用吉未忍變於生醴
酒或料用其一然二解當具無巾

者非盛饌無枵者異於大斂後張氏爾岐
曰喪禮大端有二一以奉魄體一以萃精神
枵齒綴足奉魄體之始也奠
脯醢醴酒萃精神之始也。

乃赴于君。主人西階東南面。命赴者拜送。有賓

則拜之。

赴走告也。臣君之股肱耳目死當有恩。賓僚友羣士也。此因命赴者有賓來弔。

則拜之。否則不出。唯君命出。以尸在室故也。

穆亭李氏曰。父母之喪。適子主之。無適子。則適

孫主之。所謂父沒而後爲祖後者。斬也。庶子雖

叔父。亦爲衆主人。不得以祫適孫。所謂喪不二

主也。子幼。則以衰抱之。人代之拜。泊邨吳氏

曰。臣方疾時。君已遣使問之。死則屢加恩焉。如

下文弔襚視斂。賙贈不一而止也。死必赴之。爲

君當有恩。一也。有公有司治其喪。二也。爲死者

致其事於君。三也。士所命赴者。亦私臣君子弟

爲之。蓋職喪受之以達于君與。望溪方氏曰。

告於君。必親命赴者。而拜送之。若族姻朋友。則

所赴不一。致辭各異。且有在他邦者。主人哀毀

昏迷豈能一一自命故父兄代之。檀弓記所云是也。

右命赴拜賓。赴曰君之臣某死。赴母妻長

子則曰君之臣某之某死。赴今文作計。義取以言語相通。泊

邨吳氏曰。長子亦赴于君者。以其為三年之喪也。冠則見於君。死則赴于君。廟中則有舉奠之禮。觀此士之子恒為士。義可見矣。婦人當以姓通。如姬姜之類。又曰杜橋之母之喪。宮中無相。以為沽也。則喪事當有相者。意命赴拜賓之時。已立之矣。

入坐于牀東。眾主人在其後西面。入謂主人也。眾主人。庶昆

弟也。至是方云坐。則先時主人亦立也。眾主人不言坐。則立可知。蔡氏宸錫曰。據禮記內則

父母在、子雖老、不坐。此以命婦人俠牀東面。婦人赴拜賓、勞頓、暫許其坐焉耳。**婦人俠牀東面。**婦人妻妾子姓也、亦適妻在前、俠牀者、男子牀東、婦人牀西。泊邨吳氏曰、婦人以死者之妻為主、婦無妻、則主人之妻為主、適孫承重者、祖母、母俱不在、則妻主之。在則否。若祖母、母、老病、則婦若孫婦。**親者在室。**謂大功以上、父兄、姊妹、子當攝之。**親者在室。**姓在此者。泊邨吳氏曰、此總承丈夫婦人而言。大功以上為親、喪服之通例也。言在室、則不必皆東西面、蓋亦有南面於北、墀下者矣。以室中狹隘、又有弔襚者入焉、故也。南面者、則丈夫西上、婦人東上、**衆婦人戶外北面。**衆兄弟堂下北面。謂小功以下也。在上者、以婦人、有事為便也。泊邨吳氏曰、衆婦人、女賓亦存焉。男女皆北面者、哭必向尸也。

初喪男女之辨、在室中者、以牀東西分。在室外者、以堂上下分。楊信齊所云治喪、取繁整雜之大法、是也。

右哭位 室中唯主人主婦坐。兄弟有命夫

命婦在焉、亦坐。別尊卑也。

君使人弔。徹帷。主人迎于寢門外。見賓不哭。先

入門右北面。

使人、士也。禮使人必以其爵。徹帷、使人入將命、乃出迎之。主人之出也、徒跣、扱衽、拊

心、降自西階。寢門、內門也。不出外門、別於君之自來也。先入門右、道之。穆亭李氏曰、君使人弔、皆不言若、則是君於士喪、皆必有是禮矣。

必徹帷者以主人在堂下、使者致命於堂上、不
可以帷隔之也。三禮館議、凡主人迎賓皆不
哭、不敢以哭接賓也。入門右、臣禮宜然也。於聘
之私覲見之。泊邨吳氏曰、君使人弔、亦兼使
官爲泣而序之、而公有司各共其事矣。周禮職
喪所云、是也。蓋臣下之私喪、亦爲國家之政治、
古之爲國以禮者有是。弔者入、升自西階、東面、主人進中
庭、弔者致命。主人不升、賤也。致命、蓋曰、君
哭、拜稽顙成踊。稽顙、頭觸地。成踊、三者三、凡九
經中、惟君至、拜之送之、皆稽顙。君使至、拜之稽
顙、送之不稽顙。弔、弔賤賄賂之賓、拜之當稽顙。若
與君使同節、則不稽顙。朝夕哭、拜賓無稽顙者
反哭、拜賓乃稽顙。然則稽顙亦不概施也。雜記

曰、非三年者以吉拜。三年之喪以喪拜。喪拜、稽顙也。吉拜則稽首而已。拜賓、非主喪者不與。喪無二主故也。望溪方氏曰、前此辟踊、賓出、主無算。至是有君命、以敬節哀、然後成踊。賓出、主人拜送于外門外。於賓事畢、帷則下之。凡喪拜賓不再拜。

右君使人弔。尸在室、有君命、衆主人不出。

不二主也。不出、仍在尸東。

君使人禭徹帷、主人如初。禭者左執領、右執要、

入升致命。主人拜如初。禭之言遺也。衣被曰禭。此執衣如復、則是衣裳。

具且簪裳于衣矣。致命辭、蓋曰君使某禭如初者、如受弔也。君禭雖在襲、小斂之前、至用之乃

在大斂者。主人先自盡也。蔡氏寢錫曰。祔衣多。恐此衣或與彼裳混。則簪裳于衣。以成一稱宜也。又大斂時。衾亦在。算則固有以被祔者矣。祔者入衣尸出。主人拜送如初。唯君命出。升降自西階。遂拜賓。有大夫則特拜之。卽位于西階下東面。不踊。大夫雖不辭入也。唯君命出。明大夫以下來弔祔。不出也。始喪哀戚甚。故在室不出拜賓也。大夫則特拜別於士旅拜也。卽位西階下。未忍在主人位也。至小斂後。始就東階下西南面主人位。升降自西階。則自此至葬。其禮皆然也。不踊。但哭拜耳。不辭而主人竟入。不待大夫之辭。以尸旁不可久離故也。三禮館議。此因上文君使人弔祔。主人有出迎拜送之儀。遂通言出與不

出之大凡也。蓋初喪尸在室中不可乍違。惟命赴于君。及君使弔。禭不可不出。但既有事而出。而見賓之在焉。則又無漠然竟入之理。故因而拜之。卽位西階下。亦以大夫尊。故少立須臾。待其辭耳。彼若不辭。則當竟入矣。此時無踊節。向之踊者。爲君命耳。又曰。禭衣衣尸。蓋覆于斂衾之上。少頃亦徹而陳于房中。

右君使人禭

親者禭不將命以卽陳。

大功以上有同財之義也。禭不致命于主人。卽

就于房中所陳處陳之。

泊邨吳氏曰。親者之

禭固使人爲之。但親者本在室。且至親無文。故不將命也。庶兄弟禭使人以將命于室。主人拜于位。

委衣于尸東牀上。

庶兄弟即衆兄弟兼同姓絕服者及外兄弟也。將命蓋曰

某使某禭位室中位。李氏如圭曰。朋友禭親君禭尊故以衣尸。庶禭委于牀而已。朋友禭親

以進。主人拜。委衣如初。退哭不踊。

親以進情親也。退下堂反

賓位也。主人徒哭不踊別於君禭也。敖氏繼

公曰親者禭不將命。庶兄弟將命不致。朋友則

親致之。蓋親則禮畧疏則禮隆也。望溪方氏

曰何以必俟其退而後哭。禭者本未哭也。未小

斂主人創鉅痛甚附身之事猶未營無庸以

哭擾之。小斂畢則朋友進禭以哭踊先之矣。徹

衣者執衣如禭以適房。

凡於禭者出有司徹衣亦左執領右執要。

右庶禭

禭者委衣于牀不坐。

牀高由便。其禭于

室、戶西北面致命。

未小斂之前，尸在室中，戶西，故北面致命。若小斂之

後，奉尸俛于堂，則

中庭北面致命。

爲銘，各以其物。亡則以緇，長半幅，經末，長終幅。

廣三寸。書銘于末曰：某氏某之柩。

銘，明旌也。以死者爲不可

別，故以其旗識之。愛之，斯錄之矣。男子書名，婦人書姓，與伯仲。至卒哭，乃諱之。雜帛爲物，大夫士同建，而杠之長短各別。亡，無物也。謂子男不命之士，及士之未仕者，經，赤色，半幅，一尺。終幅則二尺也。竹杠，長三尺，置于宇西階上。

杠，銘槨也。宇，屋栢，謂檐下

也。造銘訖，暫臥置之。待爲重訖，乃置于重。又至殯，卒塗，乃置于殯。泊邨，吳氏曰：緇，半幅，經終

幅合之長三尺。竹杠三尺。稱之也。古尺當今尺六寸有奇。古之三尺。不及今之二尺。但取記姓名。識別耳。非如後世爲觀美也。

右爲銘

甸人掘坎于階閒。少西。爲埕于西牆下東鄉。

甸人

有司主田野者。亦公有司也。掘坎者。將以沐浴。餘潘及巾。相尋棄埋之于此也。西牆庭中之西。爲埕。以塊爲竈。所以煮潘水者。洎邨吳氏曰。沐浴之潘水。必致其潔。不敢以生人飲食之。爨囊之。曾子之喪。浴于爨室。蓋不爲埕。而浴水自爨室來。故記者訛其簡畧耳。新盆槃瓶。廢敦重鬲。皆濯造于西階下。

新此五種瓦器者。重死事也。盆以盛

水。槃、承、湏、濯者，瓶、汲水者。廢敦、敦無足者，所以盛米。重鬲、鬲將懸於重者，濯、滌、漑也。造，急遽而至也。蓋當階少西而北上。云造，明濯於他處來。

右掘坎爲塋濯器。掘坎，南順，廣尺，輪二尺、

深三尺，南其壤。塋，用塊。南順，統於堂，自北而南也。輪，從也。經不言

坎之大小，故

記人明之。

陳襲事于房中，西領南上，不綯。陳襲事，陳所襲之服物也。言西

領，主於衣。其他物亦上端，鄉西，必西領者，以尸

在室也。此其于戶東東墉下，便於取乎。南上，從

南至北，綯，屈也。不屈者，少故也。望溪方氏曰：

戶在南，南上，取以入室，由近以及遠，冠禮北上，

八而服之、亦由近以及遠。士讓按冠禮陳服于房中、東傾北上、此西傾南上、吉凶相變、東主生、西主成、冠爲人事之始、喪爲人事之終也。明衣裳用布。所以親身、爲圭潔也。

髻笄用桑長四寸纓中

桑之爲言、喪也。髻髮會聚之意、結也。謂以組束

之。笄短四寸、僅取入髻、不冠亦無纓也。纓中者、狹其中央、而兩頭濶、所以安髮也。泊邨吳氏曰、襲不以冠者、有掩以襲其首、則無所用冠、若有冠、則不便於小斂大斂之縱橫收束也。呂氏坤乃謂不冠非待死之禮、未之思耳。士讓按古者男子不冠、猶婦人之不笄、喪禮固然、然本經所陳襲具、自始加再加三加之服具備、下至於屨、旁及決笏、皆陳死而不冠、是獨少其元服也、亦可疑。家語記孔子之喪、襲而冠、疏以爲王肅所增、不可援以爲據。姑記所聞以俟知者。

布巾環幅不鑿。

布巾環幅廣袤等也。俱二尺。不鑿者士之子親含反其巾而已。

大夫以上賓爲之含當口鑿之嫌有惡士讓

按雜記鑿巾以飯公羊賈爲之也。注記士失禮

所由始也。然則公羊賈之非一則忍死掩練帛

其親而倍之一則妄推其親而僭之也。掩練帛

廣終幅長五尺析其末。

掩裏首也。以練帛爲之析其末兩端皆析而爲

二爲將結于頤下又還結于項中。泊邨吳氏

曰練熟之帛爲掩不冠故也。下言幘目則掩自

額以上可知。唐人之幘頭宋瑱用白纁。瑱充耳

人之幅巾皆是以纁裏首。瑱用白纁如棗核

大。生時充耳人君用玉臣用象。又有素青幘曰

黃之飾纁新綿也。死用之取塞耳異於生。幘曰

用緇方尺二寸經裏著組繫。

說文幘幘也音與幕同。幘目以覆面

目者指赤也。緇外赤內著者充之以握手用玄

繫組繫四角以組爲繫於後結之。握手用玄

練裏長尺二寸廣五寸半中旁寸著組繫。蓋以

裏手護指者玄表練裏其長尺二寸廣五寸中

人之掌廣約五寸而以其尺二寸之長裏手指

及手心掩之乃以組繫而結之歟。著解見上

今文作緩亦狹小之義狹小其旁各一寸則其

中央僅廣三寸矣未詳決用正王棘若釋棘組

其故講解紛紜姑闕之。決用正王棘若釋棘組

繫續極二。決以閭弦者正善也。王棘與釋棘二

指放弦令不挈指者生時用韋三死用續又惟

二象生時所有事又示不用之意也。士讓按

決着於右大擘指極二韜於右食指將指。冒緇

生時惟若用朱故云朱極三士則未聞。

冒緇

質、長與手齊。經殺掩足。

肩、韜尸者、制如直囊。上曰質、質者方正也。下曰

殺、殺者漸殺也。其長短準死者之身為度。上玄

下纁、象天地也。其用之、先以殺韜足而上、後以

質韜首而下、齊手、覆

其形、使人勿惡也。爵弁服、純衣。

此士生時與君視朔之裳。上服、以助君

祭者、純衣。皮弁服、此士生時與君視朔之裳。祿衣。

則纁裳。祿之為言、緣也。即玄端、為士生時莫夕於君之

服、此所以表袍而成一稱者、但因連衣裳、與婦

人祿衣同、故稱祿耳。袍是褻衣、有著。死者冬夏

並用袍、嫌其褻、故用祿衣以表之。泊邨吳氏

曰、記譏子羔之婆婦服者、婦服謂纁衾也。士襲

所用祿衣、不以纁衾緣、止是玄衣裳連之耳。

士讓按此三服者、士冠三加之服也。士自成人

後始仕至此、得正而襲服是服而安矣。經不言

裳衣必有裳方成一稱可知也。玄端本

有三裳，疏以為喪，質用玄裳，其說是也。緇帶，生

三服各一帶。韎韐，生時以配爵弁服。今擇其尊

死則共一帶。韎韐，者用之。泊邳吳氏曰：韎韐

繫於革帶，不言竹筴。所以書思對命者，士

革帶可知也。竹筴，以竹為本，以象飾之。夏

葛屨，冬白屨，皆總緇絢純組，綦繫于踵。冬皮屨

舉其色，明夏葛屨亦白也。總，縫中絢。絢，屨頭鼻

純，繞口緣。三者色皆緇。綦，以繫屨者。組，為之，繫

于後踵及着之，乃向前跗之上，合結之耳。此於

冠禮為配皮弁服之屨。士讓按緇帶韎韐白

屨，只擇用其一，以成三稱。與士冠禮

更易而復著之，不同。死生異宜也。庶綦繼陳

不用。庶綦，兄弟朋友等來綦者，不用以襲也。多

陳之為榮，少納之為貴。泊邳吳氏曰：不

言君禔君禔尊不敢褻也。庶禔本在房中故卽繼陳之。

右陳襲事 明衣裳用幕布袂屬幅長下膝。

幕布帷幕之布其升數未聞屬幅者幅廣二尺二寸不削之而相着也。長下膝取蔽下體也。有前後裳不辟長及蔽。裳前三幅後四幅而前後相掩者深旁不開體不見矣。蔽足跗也。長及蔽爲蔽足亦不被土也。泊邨吳氏曰此服男婦皆同以其縗縗緇縗緇純。一染謂親身裏服不必殊之也。縗縗緇縗緇純之縗卽紅也。裳在幅曰縗在下曰緇以縗飾之。七入爲縗飾衣曰純謂領與袂也。衣以縗裳以縗象天地也。士讓按帷幕幄布相將爲用幄布以縗爲之縗細密柔軟則幕布亦取細密

柔軟可知。於親身宜也。緣衣以縹。正色也。緣裳以縹。間色也。

貝三、實于筭。

貝。水物。江水產焉。士以為含者。稻。筭。竹器。大夫以上。含兼用珠玉。

米一豆、實于筐。

豆。四升。

沐巾一、浴巾二、皆用綌於

筭。

沐巾以晞髮。浴巾以去垢。浴巾二。者。上體下體異也。三巾共一筭。

櫛於篋。浴

衣於篋。

篋。葦筒。浴衣。生時已浴所衣之衣。以布為之。用以晞身。

皆饌于西

序下、南上。

皆者。自貝以下也。南上。便其取之先後。

右陳沐浴飯含之具

管人汲、不說縹、屈之。

管人。主館舍者。縹。旒之綆也。屈。縹也。不說。縹屈之者。

喪事遽也。此蓋盡階不升堂。以授祝濯米。

邨吳氏曰、不說緇、恐水不足、將以備再汲。且浴

水又須。祝漸米于堂南面、用盆。祝、夏祝也。漸、汰

汲也。祝、漸米于堂南面、用盆也。漸、篚之稻米。

凡三用。先取潘以沐其一也。後乃祝受宰。管人

米并貝以含。後乃以餘飯、用二鬲。縣于重。管人

盡階不升堂、受潘煮于釜、用重鬲。上。也。潘、浙米

汁。管人井竈皆其所司。故又受潘于祝而煮之。

甸人則取所徹廟西北扉薪、用爨之。用重鬲者

先煮潘、後煮米、為。祝盛米于敦、奠于貝北。敦、廢

鬲縣于重故也。祝盛米于敦、奠于貝北。敦、廢

盛而奠之、以擬。士有冰、用夷槃可也。謂夏月而

飯含之所用。士有冰、用夷槃可也。君加賜冰

也。夷、槃、承尸之槃。大夫制。外御受沐入。外御、小

也。以君賜、故亦用之不嫌。外御受沐入。臣侍從

者沐管人。主人皆出戶外北面。皆出者不褻也。於是袒簪去席。

乃沐櫛。拒用巾。拒拭也。櫛訖以巾拭髮使清淨無潘櫛也。尚未作紛。浴用

巾。拒用浴衣。浴水用盆。沃之以料。湔濯棄于坎。潘水經黃為湔。已將

沐浴為濯。所浴潘水并巾櫛浴衣棄之。恐人褻之也。泊邨吳氏曰。沐訖乃浴。先上體後下體。

也。棄之者尸所用之物。人以為不祥而蚤揃如憎惡之。則褻矣。故亟埋之。階閒少西。

他曰。蚤揃斷爪翦鬚也。如他日如平生脩容之為。簪用組。乃筭設明

衣裳。用組以求髮也。簪紛訖。主人入即位。已設明衣。

裳可以入也。主人入則衆主人及婦人亦皆入即位。泊邨吳氏曰。至此乃入。人子於父母若

有所避何也。古者命士以上、父子異宮、明王之政、敬其妻子有道、必無裸裎以見其子孫者。死而沐浴、猶此志也。

右沐浴

夏祝淅米、差盛之。

差、擇之也。盛、以盆盛、潘以敦盛。

米也。御者四人抗衾而浴、禴第。

抗衾以蔽、不褻也。禴、袒也。袒第。

去席、便盥水。

其母之喪、則內御者浴。

內御、女御也。士讓按此。

亦婦人不死于男子之手之意。

髻無笄。

無笄、猶男子之不冠。

設明衣。婦

人則設中帶。

中帶之制、若禴、穆然。

商祝襲祭服祿衣次。

商祝、祝習商禮者。襲、布襲衣於牀上也。祭服、爵弁乃

助祭於君之服、皮弁爲君祭蜡之服、故同名之。
先布祭服、美者在外也、士祭於已用玄端、此祿
衣雖以當玄端、非本制、故不在祭服之中。泊
邾吳氏曰、祭服祿衣次者、先爵弁服、次皮弁服、
又次祿衣、又次袍、繭、白表而裏、一一布之於襲、
此時尸浴竟、未含、含牀卽浴牀、猶是始死遷尸
之牀也、商祝與夏祝、周祝、皆公有司、因其所習
之事而殄、**主人出、南面、左袒、扱諸面之右。**面、前
之以名耳、**主人出、南面、左袒、扱諸面之右。**也、袒
左袖、扱于右腋之下、帶之內、以便事、敖氏繼
公曰、左袒爲當用左手也。三禮館議、主人含
尸、左袒、含畢、襲小斂訖、袒、奉尸俛于堂、襲將大
斂、袒、斂于棺、卒塗、襲將葬、啓殯、袒、朝于祖、襲、載
柩、袒、卒束、襲、將祖、袒、既祖、襲、柩行、袒、出宮、襲、將
窆、屬引、袒、窆訖、襲、蓋有勞事、敬事、則袒、以致其

不安、便其運動、而因以爲行禮之節。故檀弓云、有所袒、有所襲、哀之節也。盥于盆上、

洗貝、執以入。洗訖、於筭內執之、入戶西鄉。宰洗柩、建于米、執

以從。亦於廢敦內建之、入亦西鄉。商祝執巾從入、當牖北面。

徹枕、設巾、徹楔、受貝、奠于尸西。當牖北面、直尸南也。尸南首、惟

有事於尸、故敢當其首。徹枕者、使首仰、則飯易

入。設巾者、慮孝子見其親之形變而哀、或不能

飯含也。設巾乃徹楔、是巾之所覆、不逮尸口矣。

士之中短也。受貝者、就尸東主人邊受取筭貝、

從尸南過、奠尸西牀上。主人由足西牀上坐、東面。

上、以待主人親含。不敢從首前也。祝又受米、奠于貝北。宰從、立于

自床北而西。

牀西在右。

祝受米與受貝皆南過口實不由足也。米在貝北便扱者也。宰從者從主人非從祝也。亦由牀北而西俟主人坐乃立于其右佐飯事且俟徹貝筭。

云疾當養者孰若妻與宰是宰於臣中為親其佐飯含宜也。

主人左扱米實

于右三實一貝左中亦如之又實米唯盈。

左扱之順

手也主人東面若用右則必反其柶且手加于

親面非敬也尸南首尸口東邊為右先實米為

貝藉也復唯盈不欲其虛也先右次左次中禮

之序也實米謂之飯實貝謂之含望溪方氏

曰惟飯含主人親執朝夕進食至是而終不忍

使他人代也士讓按貝以三數米以三扱三

三為九扱亦禮成於三

意其唯盈則加飯意也主人襲反位襲復衣也

位在尸東

于是商祝行襲事。

右飯含。

卒洗，貝反于筭，實貝，柱石，齧左齧。

齧，兩畔牙最長者。含而柱其左右齧，固不欲其口之閉歟。夏祝徹餘飯。徹去。

商祝掩瑱，設幘目。

掩者，先結頤下，既瑱幘目，乃還結項也。穆亭李氏曰：掩

以裹首，不以覆面，設之之法，蓋以其中塊不析者，覆其頂。先引其後端之二脚，從兩輔以結于頤下，後不至耳，前不至目。隨設充耳，乃設幘目，引其幘目四角之繫，結于項後，乃更引掩前端之二脚，以并結於項後也。敖氏謂設掩急，欲覆其形，又謂幘目加于掩之上，皆未合。乃屢

綦結于跗、連紃。

跗、足背也。連紃、以餘組連結于兩屨頭之孔、使兩足不相離圻。

乃襲三稱。

襲、床在戶牖之間、遷尸于襲上而衣之。凡衣尸者、左衽不組、三稱者、爵弁

服一、皮弁服二、祿衣三也。

泊邨吳氏曰、襲之

則先祿衣、而後爵弁服、先其裏也。祿衣一稱、是

禪複具者也。皮弁服爵弁服、是衣裳具者也。禪

複具者必有裳、而衣裳具者不必有複、以袍繭

止用一而已。又曰、斂衣左衽、則襲衣亦左衽、可

知。生時右衽、死乃左衽、則凡衣皆有兩衽、明矣。

不組者、謂絞也。斂衣亦然。斂衣云不組、則左

右衽皆有組、若帶爲之繫、明矣。組、活結也。

明

衣不在算。

不言裳者、文省耳。此乃親身之衣、襲

成稱

設韜帶、摺笏。

韜帶、韎韜緇帶也。不言韎、緇

也。

文省耳。亦欲見韜自有帶也。

韜帶以佩韜玉之等。緇帶以束衣。搢、搢也。搢笏於帶之右旁。設決、麗于擊、自

飯持之設握乃連擊。麗、施也。擊、掌之上、臂之下。可屈曲之一節也。飯、大擘

指本也。設決于右擘指而先以決之繫施于擊

一周防其脫也。復以其繫攬大擘本繞之。則決

牢固不可動矣。及設握手乃以握之繫與擊之

決繫相結。則擊與握相連而不開矣。既設決乃

設極而後設握。不言者省文也。此右手

也。下記所云設握者乃左手無決者也。設目、繫

之幰用衾。始死時斂衾。巾、衾也。蚤、埋于坎。餘之

髮及鬚也。坎、至

此築之為義也。

右襲

士與大夫皆第一日襲。泊邨吳氏曰。或屬纊有早晚而衣具或需時則早者

猶可逮死日之晚。否則填塞耳。

云塞耳別于生人懸之者

設握裏親膚繫鈎中指結于擘。

此左手無決者也。握之兩

端各有繫。先以一端繞擘一周。又以一端解

上鈎中指。反與繞擘者結于掌後節中。裏親

膚則纏在內。玄在外。左右握皆同。

甸人築圻坎。

初掘之。今還實以土。隸

人涅廁。

隸人罪人役作者。涅塞也。為人復往褻之。

既襲宵為燎于

中庭。

士之喪死日而襲燎。大燄也。以通明。

重木刊鑿之。甸人置重于中庭。參分庭一在南。

檀弓云。重主道也。以木為之。刊。斲治也。鑿。謂鑿其前為二孔。而以簪貫之。為縣鬲之用。士重長

三尺。望溪方氏曰：既襲設冒，親之形容不可復見，故設木使神依焉。此時尸在室，既斂，尸在堂，卽殯後，尸猶在柩，而復立木以依神，故謂之重。至虞，則親已離其室，不可復言重，故埋重而作主，迎精而反，宗廟之祭，皆以爲主也。泊邨吳氏曰：三分庭一在南，設之。奠者奠訖，由其南以東，而因以爲踊者之節焉。夏祝鬻餘飯，用二鬲于西牆下。夏祝，祝習夏禮者。鬻，餘飯，以飯尸之餘米爲鬻也。西牆下有竈，上經，甸人爲俎，是也。泊邨吳氏曰：用鬲之意不可曉，意重爲主道，設之之始，亦設此以馮之與。此亦以飯舍所餘，恐褻之不以他用故也。望溪方氏曰：以口實之餘爲粥，而懸于重，蓋親之養，至是而終矣。朝夕見之，孝子之心有隱焉，所謂以故興物也。幕用疏布，久之繫用紆，縣于

重器用葦席北面左衽帶用幹賀之結于後。

久讀

作灸以蓋塞鬲口也。幹竹箬也。以幹繫而縣于重之簪也。冪用葦席以葦爲席覆重也。北面謂席之兩端皆在北也。左衽者右端在上而西向也。帶用幹者以幹中束其席如帶也。賀加繫之也。後重之南也。束而結之。士讓按面祝取銘。衽帶等字作經者假借義令人易曉耳。祝取銘。單云祝謂周祝習周禮者以銘待殯訖。置于重乃置于殯。今且權置于此。望溪方氏曰不言銘之所面何也。銘以示族姻賓友自外入者則南面不待言矣。

右設重置銘

厥明陳衣于房南領西上。綯絞橫三縮一。廣終

幅析其末。厥明始死之次日。綯屈之前列自西

以收束衣服為堅急者。布為之。不言長短者。人

身不定也。縮從也。橫三幅。從一幅。順其用時而

陳之。析其末。令可結也。凡此所陳者。將取以小

歛。皆實于篋。西上者。尸在西也。敖氏繼公曰。

南領變于襲。亦以既小斂。則尸在堂。緇衾。賴裏。

也。衣南領。則絞與衾亦皆北陳矣。緇衾。賴裏。

無統。統。被。識也。斂衣。或倒。被無別於前。祭服次。

祭服。蓋指。散衣次。祿衣以下。凡十有九稱。當重

玄端以上。散衣次。袍。繭之屬。凡十有九稱。當重

充數也。必十九者。天九地十。陳衣繼之。主人之

為終數。人居中取法。尊卑同。陳衣繼之。衣及庶

祔。不必盡用。取稱而已。不得過數。

不必盡用。取稱而已。不得過數。

右陳小斂衣

厥明、滅燎陳衣。

襲之明旦。

凡絞紵

用布、倫如朝服。

凡凡小大斂也。大斂有紵、小斂無之、連文爾。倫、比也。如朝

服者、雜記云、朝服十五升。

饌于東堂下、脯醢醴酒。幕奠用功布、實于簞、在

饌東。

功布、大小功布之通稱。未審以何者用之。實于簞、俟設奠時幕之。泊邨吳氏曰、吉

祭豆、籩陳于房中、以婦人薦也。喪奠不用婦人

故脯醢醴酒俱饌于東堂下、異于吉、且欲以奠

者之升降為踴節也。此為饌之始。至大設盆盥

斂饌有榆、則謂東方之饌、其處則同。

于饌東、有巾。

盥盛盥水之器、盆以盛藥水、為奠者設。

右饌小斂奠。設於東堂下，南順，齊于玷。

饌于其上，兩甌醴酒，酒在南，篚在東，南順，實

角觶四，木枳二，素勺二，豆在甌北，二以竝，邊

亦如之。櫨制，上四周，下無足。觶四，枳二者，為明日朝奠兼饌之也。自是以後，常用

之。勺二，醴酒各一也。邊豆二，以並，則是大斂之饌也。小斂一豆，一邊而已。凡邊豆

實，具設皆巾之。邊豆實，謂菹栗之屬，具偶也。二邊二豆也。巾之，加飾也。饌

處巾，奠處亦巾，故曰皆。若小斂奠，俟時而

饌，時不巾，以有功布也。奠時巾之。觶，俟時而

酌。枳，覆加之。面枋及錯，建之。俟時而酌，將設

乃酌之。酌者，夏

視也。面枋者，便於建。士讓按疏云：大斂饌

陳此遵豆之外，皆與小斂同，故就小斂節內

陳之。而朱子通解云：大斂條通用。敖氏云：次

當在衆主人布帶之後。今仍朱子本附此。

苴經大鬲，下本在左，要經小焉。散帶垂，長三尺。

牡麻經，右本在上，亦散帶垂，皆饌于東方。苴經

經也。鬲，圍九寸，要經小焉，五分去一也。散帶之

垂者，男子之道，文多變也。牡麻經者，齊衰以下

之經也。饌于東方，謂序東也。苴經爲上，此時陳

經帶者，以小斂訖，當服未成服之麻也。詳見喪

服首章。婦人之帶，牡麻結本在房。婦人亦有苴

注疏。

以男子散垂，婦人結本，著其異耳。牡麻帶者，齊

衰之婦人所用，實則斬衰之婦人，首經亦苴也。

此時帶亦未絞，但結其本，以別於男子而已。房蓋西房也。泊邨吳氏曰：斬衰婦人，首經用苴麻，與男子同。要經則用牡麻，殺於男子。若齊衰婦人，則首經與要帶，並用牡麻。

右陳經帶

牀第夷衾，饌于西玷南。

第，簣也。夷衾，覆尸之衾。猶冒也。夷衾不以斂，故

別饌之。至將葬，啓殯，仍用以覆柩。敖氏繼公曰：尸夷于堂，乃設此衾，故以夷衾名之。泊邨吳氏曰：冒，上緇下緇。衾則表緇裏緇，故云猶冒。西方盥，如東方。為舉尸也。亦用盆布巾。饌于西堂下。

右設牀第盥

陳一鼎于寢門外、當東塾、少南、西面。

常鼎北面、今西面、因

禮變也。

其實特豚、四髣去蹄、兩胎、脊肺、設局、鼎、鼎

西末、素俎在鼎西、西順、覆七、東柄。

此鼎實合升者、髣解也、因

易、兩肩兩髀為四段也。去蹄甲為不潔也。胎、即脅也。肩髀胎各左右、併脊不分、凡七體。此豚解之正法。鼎西末、俎西順、七東枋、皆統于鼎而順之。素俎、尚質也。既饌、將小斂則辟襲奠。泊邨吳氏曰、始死、奠用脯醢而已。至此、特豚一鼎、踰日則可辨。且小斂奠漸殷也。士讓按一鼎之禮、士冠醢子、士昏婦饋、用之。人道之始也。小斂之奠、朝禴之奠、用之。人道之終也。

右陳鼎

士盥、二人以竝、東面、立于西階下。

士謂胥徒之長、有勇力者。

立、俟舉尸也。

泊邨吳氏曰、士昏禮納徵、舉皮

者、士喪大小斂、遷尸者、士、奠、舉鼎者、士、公、賙

賔賙、受馬者、士、蓋有勇力而能給禮事者、或在

官之徒役、或已之私臣、不足則借之僚友、取足

共事而已、二人以竝、言其偶

也。如四人六人、亦兩兩偶立。布席于戶內、下莞

上簟。

小斂之位在此、有司布席。

商祝布絞衾、散衣祭服、祭服

不倒、美者在中。

布絞從者一、橫者三、從在橫上。斂者趨方、或傾倒衣裳、惟祭服

尊不倒。美、善也。云善者在中、明每服非一稱。

三禮館議、美者兼尊卑新舊言之。如爵弁服有

二稱、或三四稱、則又新

者在上、而舊者次之也。士舉遷尸、反位。

服在席、席在地。

舉者遷于服上反位待後事也。位在西階下。設牀第于兩楹之間。社

如初有枕。北。社。臥席也。亦下莞上簟。卒斂徹

帷。尸已飾也。敖氏繼公曰斂之言藏也。主人既襲而又加衣衾焉。所以深藏其體也。主人

西面馮尸。踊無算。主婦東面馮亦如之。馮以身親而扶

持之。哀甚而踊則無算。三禮館議喪大記鋪

絞紵踊鋪衾踊鋪衣踊遷尸踊斂衣踊斂衾踊

斂絞衾踊各踊節如此是有算也。至卒斂而無

算哀尤甚也。望溪方氏曰至此則附身之事小備親之容色髮膚欲再

見而不可得矣。故踊無算。主人髻髮袒衆主人免于房婦人髻于室。始死男子將斬衰者并纓將齊衰者素冠。今至小斂

變又將初喪服也。髻髮者去笄纏而紛。免者以
免代冠也。免如冠狀廣一寸麻布爲之由項中
而前交於額上卻繞紛也。髻露紛也始死婦人
將斬衰者去笄而纏將齊衰者骨笄而纏。今至
小斂亦變則重者麻髻輕者布髻矣。于房于室
皆于隱處也。敖氏繼公曰以麻括髮以布爲
免所以代冠也。其制雖不可考以意求之疑其
度但足以繞紛而已以其無纏故謂之括髮言
括結其髮也。以其無冠故謂之免言因免冠而
爲之也。望溪方氏曰衆主人乃大功以上親
以免于房知之也。注專舉齊衰其實衆
兄弟位堂下者亦宜免也。文不具耳。

右小斂

小斂辟奠不出室

奠始死之奠辟
奠者辟斂也。不

出室明未徹也。辟于室西南隅
以便斂。既設小斂奠乃去之。

無踊節

以在
室中。

既馮尸主人袒髻髮絞帶衆主人布帶

服斬者絞

帶自齊衰以下皆用布帶

士舉男女奉尸俛于堂幬用夷衾男女如室位

踊無算

俛之言尸也堂楹間牀第上也士舉尸首足男奉右女奉左移于此室位馮尸

之位也

望溪方氏曰喪事即遠此則親離其室之始也故踊無算

主人出于足

降自西階衆主人東即位婦人阼階上西面主

人拜賓大夫特拜士旅之即位踊襲經于序東

復位

尸堂上南首出于足者由北不敢褻也衆主人位在阼階下主人位南西面阼階上

非婦人之位。於主人之降。乃居之。辟賓客之行禮也。後遂以之爲節。拜賓。鄉賓位。拜之。特拜。每人各一拜。旅之人。雖衆。惟三拜也。主人踊復位。皆在阼階下。衆主人之北西面。經著經帶也。序東。謂堂下當序之東。東夾前也。望溪方氏曰。旣小斂。則男女分堂上下。卽旣殯後。次分內外。以中門爲限之義也。王禮館議。男子經於序東時。婦人亦經于房中矣。泊邨吳氏曰。古人尸柩所在。雖朝夕設奠。從無拜禮。不但弔賓無拜。卽主人主婦子姓亦未嘗拜。蓋事之如生。禮如是也。後世如開元政和諸禮。皆然。今世弔賓無不拜者。世俗通行。難以語言猝變也。士讓按。主人至此。始立阼階下主位。前不忍遽由主位者。不忍其親也。獨拜賓。衆主人不俱拜者。喪不二主也。

右奉尸于堂拜賓襲經

乃奠。

乃修奠事也。其事在下。祝與執事爲之。亡人不親奠。

奠者其深衣素冠加經與。

舉者盥右執匕卻之左執俎橫攝

之入阼階前西面錯錯俎北面。

舉鼎者盥入時向比。東方爲右。

人西方爲左人各用內手舉鼎外手執匕俎順其便。相偶向也。攝持也。錯置也。

舉者亦士若甸人之類。

右人左執匕抽局予左手兼執之。

取簋委于鼎北加局不坐。

抽局取簋加局于鼎皆以右手。

乃柅載載兩髀于兩端兩肩亞兩伯亞脊肺在於中。

皆覆進柢執而俟。

右人以七出牲左人受而載之於俎亞次也。凡七體皆覆

之為塵也。柢本也。進本者生人食法未忍異於

生也。望溪方氏曰敖氏謂但言髀肩其體不

分故以上包下是也。蓋髀賤先載居兩旁兩

肩兩肱次之則脊肺正居中央其序乃順。夏

祝及執事盥執醴先酒脯醢俎從升自阼階。丈

夫踊。甸人徹鼎巾待于阼階下。

執醴者祝也。升而丈夫踊節也。

士讓阼階主位而祝及執事得升降由之者

奠為死者設且將奠于尸東無由首之嫌也。

奠于尸東。

先言其所奠之處下乃奠之。

執醴酒北面西上。

執醴

酒者先升尊也。醴西酒東于是立俟後錯。豆錯俎錯于豆東立于俎

北西上。

豆兼竹豆言以有脯也。其序先脯次醢。次俎三人俱西面設。設畢北行各立于

俎北。

醴酒錯于豆南。

至是錯之。醴在酒北。

祝受巾巾之由

足降自西階婦人踊奠者由重南東丈夫踊

為塵也。祝降而執事者從降。奠者升丈夫踊。奠

者降婦人踊節也。

泊邨吳氏曰雜記凡踊婦

人居間。注云踊必拾主人踊婦人踊賓乃

踊此奠者由重南東而丈夫踊者乃賓也。賓出

適寢門外也。凡喪

賓皆于既奠乃出。主人拜送于門外。小斂竟乃

乃代哭不以官。

人君以官之尊卑士則以親疎為代。孝子始有親喪悲哀憔悴

禮防其以死傷生故至此

使相更哭不絕聲而已。

右小斂奠

有禭者、則將命、擯者出請、入告。主人待于位。

喪禮

畧威儀、既小斂、擯者

乃用辭位、阼階下位。擯者出告、須以賓入。

須待也、以

賓入、帥

賓入、中庭北面致命。主人拜稽顙。賓升

之也。

自西階出、于足西面、委衣如于室禮。降出。主人

出、拜送。

小斂後、主人於喪賓則出送之。唯不迎賓耳。

朋友親禭、如初

儀。

云親禭、則上是使人來者。如初儀、拜送以上之禮也。

西階東北面哭、踊

三、降。主人不踊。

尸在楹閒、故於西階東北面、鄉之哭踊、此異於使人禭者也。

望溪方氏曰。朋友哭踊。而主人不以踊答。何也。辟踊哀之甚也。親賓將禭。宜各致其哀。主人則不食三日。哭無停聲。若皆以踊答。將病不能興矣。小斂以後。哭使人代。義亦如此。如必勉焉。以觀衆人之耳目。禭者以褶。則必有裳。執衣如初。則反不得其情。禭者以褶。則必有裳。執衣如初。徹衣者亦如之。升降自西階以東。帛爲褶。所謂袷也。無袷則非褻矣。然雖複。亦與禭同。必有裳。乃成稱。但不用表耳。裳云必有者。嫌或以爲可無也。有裳則亦簪之。執如初。如其左執領。右執要也。以東。變于小斂以前之禮也。藏以待事。未必盡用之。

右有禭者

宵爲燎于中庭。

宵。夜也。燎。大燄。古者以荆樵爲燄。或曰。以布纏葦。以蠟灌之。謂

之庭燎。泊邨吳氏曰：經著其特設者耳。實則以前之夕，亦必有通明者。

右設燎

厥明，滅燎，陳衣于房，南領西上，結綬，紵衾二君。禋祭服散衣，庶禋凡三十稱。紵不在算，不必盡

用。

南領西上，如小斂陳所上也。紵，單被也。衾二

者始死斂衾一，今又復制一也。小斂衣數，自

天子達於士同。大斂則異矣。望溪方氏曰：大

斂之衣，美者在先，則被之在後。鋪之

在後，則掩之在上。君禋至尊，無敢被其上者。必

如是，而後大斂既畢，惟君禋上覆，而私服庶禋

盡包其內耳。敖氏繼公曰：祭服散衣，主人之

衣也。後言庶禋，則雖有上服，猶在主人散衣之

後也。云紵不在算，則衾在算矣。喪大記：大斂布絞，縮者三，橫者五。又云：絞一幅為三，不辟，紵五幅，無純。

右陳大斂衣

東方之饌，兩瓦甒。其實醴酒。角觶，木枲。髡豆兩，其實葵菹芋羸醢。兩籩，無滕，布巾。其實栗，不擇脯四脔。記言設楸于東堂下，南順，齊于楹，饌其上。凡籩豆實具，設皆巾之，正指此饌也。髡，白也。葵菹，云芋者，菹之不切而全者也。無滕，不以滕為緣也。布巾以冪籩豆，獨於籩見之者，嫌乾物或不巾也。數者皆變於吉。奠席在饌北，斂席在其東。

韋席也。斂席亦莞與簟也。其謂奠席也。大斂奠在室。遠於尸柩。故始用席以存神。望溪方氏曰。小斂奠無席。以尸未入棺。不忍以神道事之也。大斂設奠席。以尸在堂上。神或憑焉。既殯。升奠室中。祝執巾席以先之。若神實依而往也。

右饌大斂奠

掘埵見衽。

埵。埋棺之坎也。掘於西階上。其置之尸南首。衽。小要也。言掘埵之深淺。以

見衽為度也。

敖氏繼公曰。埵在西序下。其南

蓋近於序端。

泊邨吳氏曰。深衣之衽。以掩裳

際。在要間。故棺要亦曰衽。棺以木為衽。刻棺之

縫際。乃入此。以聯屬而固之。兩端廣而中狹。形

如燕尾。然見衽見小棺。入主人不哭。升棺用軸。

要於塗上。而帷之者。棺入主人不哭。升棺用軸。

要於塗上。而帷之者。棺入主人不哭。升棺用軸。

蓋在下

軸軼軸狀如牀可挽而行者大夫諸侯以上有四周謂之轎天子畫之以龍焉

蓋在下者卻於棺之下棺既升則入于殯中而

蓋則置于序端與朱子曰動尸舉棺哭擗無

算然殯斂之際亦當輟哭臨事務令安固不可

但哭而已三禮館議天子諸侯用轎以升棺

轎亦入殯中士用軼軸升訖則去之不入殯軸

制敖氏以爲前後各二輪各有一軸以橫貫其

棺與熬黍稷各二筐有魚腊饌于西坵南熬煎

有魚腊謂每筐皆有之也此四物者擬用於殯

中故饌於此孝子以尸柩既殯不得復奠其側

雖有奠在室不知神之所在故置此棺旁亦以

致其愛敬也泊邨吳氏曰用熬穀魚腊者蓋

取其可以久藏不壞也注謂以感蚍蜉令不至

棺旁恐非經義士讓按以葬用遣車包牲等

推之則殯之用
四篚亦此意

右爲殯具

陳三鼎于門外北上。豚、合升、魚、鱠、鮓、九腊、左胖。

髀不升。其他皆如初。合升、合左右體、升于鼎也。小斂四鬻爲七體、亦合升。

此合升亦四鬻爲七體、又互見耳。其他如初、謂鼎之面位與七俎之陳、如小斂時。敖氏繼公

曰、腊用左胖、別于燭俟于饌東。燭、燋也。在地曰燎、執之曰燭。饌

吉。凡腊必去髀。東方之饌有燭者、堂雖明、室猶闇、將徹小斂、奠於室、故設之。

右陳鼎

祝徹盥于門外，入升自阼階。丈夫踊。

祝徹，題下事也。徹不

獨祝，見其尊者耳。是時無東堂下之盆盥，故盥于門外。

祝徹巾，授執事者。

以待。

徹巾，仍授者為大。敏奠又將巾之也。

徹饌，先取醴酒北面。

祝亦

徹之。

望溪方氏曰：吉祭，祝先酌奠，尸先執奠。

祝

飯畢，主人醕尸，故喪奠，祝亦先執醴酒，俟豆俎既錯而後錯焉。其徹也，亦先取醴酒而後及其餘。蓋以酒包食之始終，而祝主祀事故始之終。

之者皆祝也。

其餘取先設者，出于足，降自西階。婦人

踊，其餘謂取遠豆俎者。

設于序西南，當西榮，如設于堂。

改設

之也。凡徹尊者之盛饌，必改設而後去之。序西

南、南北節也。當西榮，東西節也。新奠設于既殯。

後而遠徹舊奠者、為辟斂故爾、凡改設
者、賓出則徹之、以不久設也、故不巾、醴酒位
如初、執事豆北、南面東上、如初者、如其北面西
變位、執豆俎者、立于豆北東上、變于
前俎北西上、以事訖、向東適饌便也、乃適饌、東
之新饌也、適其
處以待事至、

右徹小斂奠

帷堂。為將大斂。婦人尸西東面。主人及親者、升自西

階、出于足西面袒。婦人尸西東面、以男子將升故也、袒為大斂變也、不言髻

免括髮、小斂以來自若矣。士盥位如初。盥于門外、既盥、布席

如初

於阼階上少西於楹少北亦下莞上簟

商祝布綬紼衾衣美

者在外君襚不倒

至此乃用君襚主人先自盡

曰小斂祭服不倒則衆服倒矣大斂君襚不倒

則祭服亦倒矣斂衣何以必倒非倒不可以斂

也折疊卷摶填空實缺以取平正必有法焉而

今則斂法不講久矣士讓按襲三稱則美者

在外小斂十九稱則美者在中大斂三十稱復

美者在外在中者取安身之吉在外者取文身

之吉禮尚相變而榮君賜于有大夫則告

終以之爲上服士之令終也

以方斂非斂時則位在下來則拜之

氏曰大夫先至者未斂時已拜之後來者則既

斂之後士舉遷尸復位主人踊無算卒斂徹帷

乃拜之

主人馮如初。主婦亦如之。

遷尸謂從楹間牀第上。遷於阼階上之斂。

席斂之。復位。反階下位以俟也。於是主人主婦馮尸。既則士復升而舉尸以斂於棺。

右大斂。

大斂於阼。

大斂於阼。乃殯于西階。象其由主位而往也。

大夫升自西階。階東北面東上。

視斂。既馮尸大

夫逆降復位。

位在中庭西面。西面者為向殯也。士讓按周人尚赤。大事斂

用日出。取日出時色赤也。祭禮用質明者。亦以此支于之說。固理數所在。後世惑於利息。未免過紛耳。

主人奉尸斂于棺。踊如初。乃蓋。

棺在殯中斂尸焉。位在西階之

上記所云殯於客位也。蓋加蓋於棺上。泊訖。吳氏曰。不言士舉。可知也。小斂男女奉尸以牀。在楹間。故可兩旁奉之。殯倚于西壁。則惟主人奉其右也。殯於客位。亦所謂父母而賓客之者。主人降拜大夫之後至者。北面視殯。北而於西。氏繼公曰。惟拜大夫後至者。則于士之後至者。既襲乃拜之。望溪方氏曰。西階下賓位在馬。故先拜賓。衆主人復位。婦人東復位。阼階上下而卽視殯。衆主人復位。婦人東復位。之位。望溪方氏曰。揭衆主人婦人之復位。則主人奉尸斂于棺。皆從至西階視蓋與殯。可知矣。聖人之經。辭簡而不遺。此類是也。設熬旁一筐。乃塗踊無算。旁字下。宇。各。各黍稷也。塗者。以木覆棺上而塗之。爲火備也。亦象葬時加土之意。踊無算者。尸柩不見。

望溪方氏曰、小斂、旣斂馮尸而後踊、無算、前
事方殷也、附于身者、必誠必信、目視而心注焉、
主于敬、而不可以哀間也、大斂、始遷尸而踊、無
算、卒斂、馮尸復踊、無算、蓋棺加塗、又踊、無算、蓋
自是與親之音容永隔焉、故

卒塗祝取銘置于

心、絕志摧、而不能自己也、
肆、爲銘設柩、樹之碑、東、所以表柩、或曰、孝子慮
神疑於其柩、故置銘於此、若使知其處、然愛
敬之、主人復位、踊、襲、位、阼階下位也、襲於序東、
心也、主人復位、踊、襲、三禮館議、尸柩所不忍
見也、見之則以爲大戚、故未殯以前、孝子水漿
不入口、啓殯以後、括髮免之、節、代哭之法、猶與
未殯時同、足以明其戚矣、治葬須時、而柩不可
久露、露則凡有服者、不得一息休也、故掘肆而
殯之、如小葬然、使尸柩於是暫藏焉、死者旣若
小安、而路閉有時、哭踊有節、生人亦可無傷、生

傳 卷之二
滅性之虞矣。古人
之制此，豈苟哉。

右殯 既殯，主人說髦。

髦者，垂髮之飾，于事
父母，示幼小也。今尸

柩不見，喪無飾，宜去之。

士讓按髦字義見

於詩者，曰：鬢彼兩髦，曰：蒸我髦士，曰：譽髦斯

士。見於禮內，則曰：拂髦，用此見古人訓凡為

人子者，雖冠昏長大，猶然動以孺慕之容儀。

乃奠燭，升自阼階，祝執巾席從，設于奧東面。

奠

大斂，奠也。執燭者，先升以照室，則人斂用日出

既斂而室猶闇，又喪奠不啓牖也。室西南隅為

奧，祝、夏祝，巾席從燭，人既設席，乃委巾，所以安

神位也。自是不復奠于尸。望溪方氏曰：既殯

于西階，不得奠于階前，故當室之奧，是廟祭之

始也。泊邨吳氏曰：殯在堂而奠在室者，神之

以鬼神尚幽闇也。與爲尊所。若長子之喪。則奠不必於與。以生時不主與也。其奠於殯東。畧如小斂奠。與。檀弓。孔子夢奠于兩楹之間。似殯。燭後之奠亦在堂者。豈禮俗不同。抑殷制別耶。

反降及執事執饌。東方之饌。士盥舉鼎入。西面北上。

如初。如小斂儀。載魚左首。進髻三列。腊進柢。左首。據載之言。

其設于席。則右首。髻脊也。右首進髻爲生人食法。未忍異於生也。魚九而三列。則三三爲列也。

柢本也。凡未異於生者。不致死也。祝執醴如初。酒豆遵俎從升。

自阼階。丈夫踊。甸人徹鼎。如初。祝先升也。奠由楹內入。

于室。楹內。東楹北也。醴酒北面。亦西上也。設豆。右菹。菹南栗。

栗東脯。豚當豆。魚次。腊特于俎北。醴酒在籩南。

巾如初。右蕘蕘在醴南也。此左右異於魚者。載者統於執設者統於席。此統於席也。醴

當栗南。酒當脯南。既錯者出。立于戶西西上。祝後闔戶。

先由楹西降自西階。婦人踊。奠者由重南。東丈

夫踊。立戶西待祝出而偕行也。祝錯醴最後。故後出。因闔戶也。見奠者由重。即踊者重為

主道。神所憑依。故取為節也。祝出。位在門西。賓出。婦人踊。主人拜送。

于門外。入及兄弟北面哭殯。賓出而主人乃與兄弟哭殯。順其親

親之心。親者宜異於朋友也。兄弟出。主人拜送于門外。小功以下

至是可以歸。異門大功亦歸可也。雖歸至朝夕朔奠之期。近者亦入哭限。衆主人出門哭止。皆西面于東方。闔門。衆主人、死者之衆也。門外東方之位亦北上。三禮館議。主人出門。則婦人當由房降自北階。出闔門。以入于內寢。

右大斂奠

巾奠

室中之奠巾之。而室事已。

執燭者滅燭。

出降自阼階。由主人之北東。

此見出時之節。不與執事者偕。

行。明燭爲照奠也。士讓按士庶人皆三日而殯。蓋死日而襲。厥明而小斂。又厥明大斂而殯。連死日數之爲三日。曲禮所云死與往日也。自始死之奠。小斂之奠。大斂之奠。皆主

主人揖就次。

人不親奠而含則親之。飯則親之。馮尸則親之。奉尸斂棺則親之。視殯則親之。哭殯則親之。此以見主於哀主於慎者必躬親之。而儀物有不及親奉者喪事達達孝子之情也。

右喪次。

居倚廬寢苦枕塊不說經帶哭晝

夜無時。

倚木為廬於中門外東方北戶。其中門內則殯宮在西階哭位在阼階下

西南鄉殯也。

餘解詳見喪服傳。

望溪方氏

曰既殯就次而後有苦塊則未殯之前有坐

起而無寢

興明矣。

非喪事不言。

云不言而事行者扶

而起言而后事行者杖而起庶人面垢而已

士言而事行故於喪則言非喪事不言也。曲

禮曰、居喪未葬、讀喪禮、言中亦兼此。歠粥、朝一溢米、夕一溢米。

不食菜果。不在飽與滋味也。實在木曰果、在地曰菰、瓜匏之屬菜類也。餘詳

見喪服傳。

君若有賜焉、則視斂。既布衣、君至。賜、恩惠也。斂、大斂。君欲視

斂、則使人告喪家、故主人不敢升堂而先布絞。紼衾衣以待其來。喪大記云、甲者襲裘加帶經。則此時君之弔服、亦朝服襲裘而加帶與經矣。若主人成服之後往、則弁經疑衰。主人

出迎于外門外、見馬首、不哭。還入門右北面、及

衆主人袒。出迎、又見馬首、即不哭、敬之至也。見馬首、明未入巷門也。袒者、為大斂事。

至固當視。且君至又當視也。

巫止于廟門外。祝代之。小臣二

人執戈先二人後。

凡宮有鬼神曰廟。周官言喪祝男巫皆於王弔則前。國君

不得並用巫祝。其在廟門外則巫前至廟門則視前互用其一。所以下天子也。必用巫祝者與神交之道也。巫止廟門外則君下車之處差遠于廟門矣。小臣執戈前後以備非常。蓋平日之常衛非特臨喪為然。君釋采入門主人辟。釋采視為君禮來也。采如葵韭之類。釋奠之於地。辟遂遁也。不敢以凶服近君。君升自阼階。西

鄉祝負墉南面。主人中庭。

祝南面。房戶外東。鄉君哭踊之節當相其

禮也。主人中庭蓋在東方進而益北。泊邇吳氏曰。凡君適其臣升自阼階不敢有其室也。此

吉凶同之者。君升時主婦及衆婦人宜暫辟入于房。君哭主人哭拜稽顙

成踊出。出者不敢必君之卒斂事。敖氏繼公曰自此以下六節每節畢主人輒出皆

爲不敢久留君也。喪大記云出俟于門外。君命反行事主人復位。事

斂事位入。君升主人主人西楹東北面。命主人升視斂

升公卿大夫繼主人東上乃斂。升之使偕視斂東上以君在東

也。卒公卿大夫逆降復位主人降出。卒卒斂也逆降者後

升者先降位如朝夕哭弔之位公東北面西上卿大夫東方西面北上也。君反主人

主人中庭君坐撫當心主人拜稽顙成踊出。命反

之反也。撫以手按之也。凡馮

尸與必踊。若與主人拾踊也。

君反之復初位。

亦入

門右

位。衆主人辟于東壁南面。

以君將降也。南面則當站之東。

君

降西鄉。命主人馮尸。主人升自西階。由足西面

馮尸。不當君所。踊。主婦東面馮。亦如之。

君必降者。欲孝

子盡其情。不當君所。不敢與尊者同馮處。

奉尸斂于棺。乃蓋。

士讓按此古人

所云蓋棺論定者。士之爲士。獲全要領於牖下。至是能以禮終者矣。

主人降出。君

反之。入門左視塗。

反之者。命之視塗。

君升卽位。衆主人

復位。卒塗。主人出。君命之反。奠入門右。

入門右卽初位。

乃奠升自西階。

以君在阼故辟升自西階。

君要節而踊。主人

從踊。

要猶候也。節當踊之節也。此節謂執奠者始升階時。

卒奠主人出哭

者止。

哭者止為君將出節。上見馬首不哭之義。蓋不敢以哭迎亦不

士讓按哭者止猶

敢以哭送。君出門廟中哭。主人不哭。辟君式之。

皆敬君也。古者立乘式謂

小俛以禮主人。貳車畢乘主人哭拜送。

貳車副車也。上

公九乘侯伯七乘子男五乘君用蓋乘象路。

三禮館議廟中哭哭者以君之出門為節也。主人先俛于廟門外君升車乃辟君式之則主人

亟趨出外門外矣。貳車畢乘明君車已出外門也。主人于是送君拜稽顙送乃襲入即位衆主

人襲拜大夫之後至者成踊。

襲於外而後入明久袒皆為君在也。

主人即阼階下西面位。即位後乃拜大賓出主夫後至者禮宜更始不可由送君便也。

人拜送。

君既歸則以下俱得伸禮。

右君視大斂。

黃氏叔賜曰古者人君於其臣之喪親臨之視斂親撫之其恩

禮何厚也。巫不入門祝先之其恭敬何至也。升主人馮之。又命主婦馮之教孝何切也。臣於君之臨也迎而先入撫而先降必俟君命而後馮馮又不敢當君所且於男女之別亦不素焉。細微曲折無不合禮。觀于此者仁愛忠孝之心油然而生矣。
君視斂。若不待奠加蓋而出。不視斂則加蓋而至卒事。

不待奠者、或君有他故。
不視斂者、或君有辟忌。

三曰成服杖

既殯之明日、全三日、始食粥矣。曲

禮云、生與來日。云成服者、晞已經帶、今復以冠衰之屬、足而成之也。三日之朝、主人杖、婦人皆杖、蓋於未朝哭爲之。泊邨吳氏曰、成服、通五服之親、及外親有服者而言杖、則專指當杖者、必三日者、未三日則服不能備、且其次第當在既殯後也。於是凡有服者、各服其冠衰屨。斬衰者不括髮、齊衰以下者不免矣。雖不括髮不免、而去纚則如故。但於髮紒之上加冠也。大功以上、要帶之散垂者、至是絞之。婦人髻者、笄之、而着總、去纚如故。要經之結本者、亦絞之也。其他與男子同。敖氏繼公曰、檀弓始死、羔裘玄冠者、易之而已。易者、謂易之以素冠深衣也。然則始死之服、主人以下皆同。至小斂

及成服、乃別異耳。

右成服 三日絞垂冠六升外繹、纓條屬厭。

衰三升、屨外納、杖下本、竹桐一也。經不言絞垂之時、故

記言之。此惟指主人也。而男女大功以上亦存焉。小功總初而絞之、不待三日也。餘解見

喪服傳。

拜君命及衆賓、不拜棺中之賜。君命及衆賓謂

謝其甲已。棺中之賜謂襚也。不拜者、襚禮不爲

已也。此謂不弔而襚者。若甲襚並行、則其拜亦

惟主於弔。凡往拜之節、其於朝奠後乎、拜於外

門外。所拜者不見。泊邨吳氏曰、拜惟主施於

已者。然則世俗謂代親拜者、非矣。惟其然、故弔賓與主人、皆無拜及死者之法也。古之仕者不出本國、則所拜者亦近。若自異國來者、拜於其館可也。此重君命、當急拜、餘賓則次第拜之、不定在
一日。

右拜君命及賓

主人乘惡車

拜君命、拜衆賓、及有故行

所乘也、惡、古文作𨾏、雜記、端衰喪車皆無等謂貴賤雖異、於親一也。然則此惡車、王喪之木車也。
白狗臂。未成豪狗。臂、車前式之覆笱也。以狗皮爲之、取暎也。白、於喪飾宜。
蒲蔽。蔽、第也。在車兩邊爲藩蔽。以蒲席爲之。吉時或以簾。
御以蒲菼。不在於馳驅。蒲菼、壯蒲莖也。吉時蓋以竹爲策。
犬服。喪家乘車、用兵器、建之笱間以

白衛其兵服以犬皮爲之取堅也木鎗鎗轂端杳也常用約

綬約轡約綬以引升車者木鏹鏹馬銜常用金

馬不齊髦齊剪也不齊髦主婦之車亦如之

疏布褌褌車裳幘於貳車白狗攝服攝緣也

白狗皮緣之謂之攝服敖氏繼公曰主人

主婦皆有貳車各得用二乘與其所乘者而

三士昏禮謂從車二乘其他皆如乘車如主

是其數也此亦用惡車乘惡車也主婦乘車而出者拜夫人之命及

女賓之甲者也泊邨吳氏曰昏與喪皆大

禮昏則攝盛喪中拜君命拜賓重其事故出

必備貳車馬已雖無之或借以充數此有馬

者借人乘所
以為善俗。

朝夕哭不辟子卯。

既殯之後朝夕及哀至乃哭不代哭也子卯桀紂亡日吉

事關焉凶事不辟。

婦人卽位于堂南上哭丈夫卽位于

門外西面北上外兄弟在其南南上賓繼之北

上門東北面西上門西北面東上西方東面北

上主人卽位辟門。

堂阼階上也丈夫衆主人衆兄弟也外兄弟異姓有服者

也賓同僚賓客弔者因朝夕哭而往也所上相

變明其不相統也以下文攷之則東方之賓卿

大夫也門東諸公也門西他國之異爵者也然

則西方者其士與門東門西外門內之左右也

列定而主人乃卽位於東方之北。辟開也。凡廟門有事則開，無事則閉。三禮館議：凡喪以屬之親疎服之輕重爲序。故主人及五服之親在上，而外兄弟次之。其以爵則卑者宜近而在上，尊者宜遠而殊之。故諸公與他國之異爵者皆北面也。在外位時，蓋皆不哭。下云出門哭止，可見矣。士讓按職喪於凡有爵者之喪，序其事，則知親疎尊卑位既有定，卽朝夕不必偕來，位或虛人，序婦人拊心不哭。方有事未主人拜賓，究不越也。婦人拊心不哭，敢先哭。主人拜賓，旁三右還入門哭。婦人踊。旅拜也。以尊卑之序面三，次西面三。旣則右還而入門。主人堂下，直東序西面，兄弟皆卽位，如外位。卿大夫在主人之南，諸公門東。

少進。他國之異爵者，門西少進。敵則先拜他國

之賓。凡異爵者，拜諸其位。

賓皆卽此位乃哭，盡哀止。主人乃拜之，如

外位矣。

敖氏繼公曰：上言賓繼外兄弟，此言

卿大夫在主人之南，明外兄弟以上皆少退于主人故。以卿大夫徑接主人也。門東又有私臣之位，門西又有公有司之位，故諸公與他國異爵者皆少進以別之。三禮館議：異爵者，他國之公卿大夫也。敵則先拜他國之賓，謂士也。士與士敵，皆西方東面北上，則他國之士在北矣。雖旅拜必先他國者，尊賓也。然則公卿大夫亦先拜他國者，可知矣。凡異爵者，又通指本國異國之公卿大夫言之也。喪中主賓位列，莫詳于此。

右朝哭

徹者盥于門外。燭先入。升自阼階。丈夫踊。徹者

斂之宿奠。朝奠口出。則徹時天未明也。故用燭。祝取醴。北面。取酒。立于

其東。取豆籩俎。南面。西上。祝先出。酒豆籩俎序

從。降自西階。婦人踊。祝執醴在先。次執事。若取酒。次豆籩。次俎。設于

序西南。南直西榮。醴酒北面。西上。豆西面。錯立于

豆北。南面。籩俎既錯。立于執豆之西。東上。酒錯。

復位。醴錯于西。遂先由主人之北適饌。醴酒北面。西上。

目下事也。下又云醴錯于西，乃設之也。凡言立
于錯後者，既設之而立以俟。祝錯醴畢，祝先適
新饌，而諸人乃從之也。蓋自西階下而徑東，故出于主人位北。

右徹大斂奠

乃奠醴酒脯醢升，丈夫踊入，如初設，不巾。

入，入于室

也。如初設，醴酒錯于脯南也。不巾者，無俎也。室中殷奠，有俎者則巾之餘否。

錯者出

立于戶西，西上。滅燭出，祝闔戶，先降自西階。婦

人踊。奠者由重南，東。丈夫踊，賓出，婦人踊，主人

拜送。

滅，執燭者滅之也。蓋奠則禮畢矣。

衆主人出，婦人踊出門。

哭止皆復位。闔門主人卒拜送賓揖衆主人乃

就次。丈夫婦人以奠者之升降爲踊節則奠時哭不止明矣下經云出門哭止可証也復

位復西面北上以下之位。

右朝奠

夕奠逮日則不用燭又夕奠之所徹不設於序西南惟徹之而已。三禮

館議朝夕奠之外主人兄弟不入殯宮小記無事不辟廟門哭皆於其次是也。弔者必于主人朝夕奠時少儀喪俟事不恤弔是也。

朔月奠用特豚魚腊陳三鼎如初。東方之饌亦

如之。朔月月朔日也。初謂大歛時此殷奠象生時之朔食。無籩有黍稷用

瓦敦有蓋當邊位

於是始有黍稷其不用邊則又別於殯奠敦用瓦敦亦異

於主人拜賓如朝夕哭

如其廟門卒徹徹宿奠也朝夕

奠非盛饌徹則去之

不復改設於序西南

舉鼎入升皆如初奠之儀

升七而升於俎也初

奠小斂大斂之奠

卒杙釋七于鼎俎行杙者

逆出甸人徹鼎其序醴酒菹醢黍稷俎

俎行者俎後執

執俎者行鼎可以出矣其序云者升入之序也

敖氏繼公曰此見六者之序則是凡奠皆每

人執一

其設于室豆錯俎錯腊特黍稷當邊位

器明矣

敦啓會卻諸其南醴酒位如初

黍稷後設變於邊實也當邊位

南黍黍東稷會蓋也醴酒位如初亦醴在黍南酒在稷南其異者北各有會耳

曰有黍稷則為食主故俎設後乃設之祝與執不以牲主穀也醴酒後者要其成也

豆者巾乃出祝巾在南者執豆者巾在北者各以近其位為之敖氏繼公曰凡

中殯奠亦如之經主人要節而踊不言婦皆如於此乃見之耳

朝夕哭之儀以上言月半不殷奠殷盛也士月盛奠大夫以上有薦新如朔奠

月半有殷奠有薦新如朔奠新謂穀新熟者如薦鮪羞含桃

之類亦是如朔奠者徹朔奠先取醴酒其餘取牲俎及豆皆如之

先設者敦啓會面足序出如入徹朔奠將行夕奠禮也略會不

復蓋也。面足執之足鄉前。敦有首足如物之縮者然皆在上。其設于外如於室。外序西南

右朔奠。朔月童子執帚卻之左手奉之。童子

隸子弟也。執用右手。卻之末在上。示未用也。不執其者將聚諸賓。從徹者而

入。童子不專禮事。比奠舉席埽室聚諸賓布席如初。

卒奠埽者執帚垂末內簋從執燭者而東。比猶

先也。室東南隅謂之東。執帚垂末明已用也。從執燭者後執燭者其類也。燕養饋

羞湯沐之饌如他日。燕養生時燕寢中所供養者如饋羞湯沐皆是

也朝夕食曰饋四時之珍異曰羞三日具沐五日具浴湯沐所以洗去污垢如他日者孝子不忍一日廢事親之禮故於燕寢下室日設之如生存也進徹之時如其平生食時之頃泊邾吳氏曰燕寢曰下室見正寢之爲上室也既奠于上室而又饋于下室者亦孝子求神非一處之意其進徹蓋婦人之輕服者爲之敖氏云孝子不親視以在聖室中非時見于母朔月若薦新則不饋於下室及若不入門也也下室燕寢也下室饋以黍稷朔月之殷奠自有黍稷薦新則薦穀也故俱不復饋張氏爾岐曰由此觀之朝夕之奠無黍稷以下室又有燕之饌故也士讓按殯宮有奠下室又有奠重亦有主道神之在此在彼固無方所也然數則瀆故殷奠則不饋如生存時

之不能

兼食

筮宅、宅、葬

家人營之。

家人、公有司掌墓地兆域者、營、度也。

掘四隅、

外其壤、掘中、南其壤。

壤、土也。所掘而起者。四隅中央、畧以識之、從連未定

也、南其壤者、葬將北首也、

既朝哭、主人皆往、兆南北面、免經。

云皆往、則衆主人亦行也、兆、域也、所營處也、免經、免如字、求神不敢純凶也、免經、亦左擁之、

士讓按域謂之兆者、以並若得兆吉、則其域也、

命筮者在主人之右、筮

者東面、抽上韝、兼執之、南面受命。

受命於命筮者、命曰、

哀子某、爲其父某甫、筮宅、度茲幽宅、兆基、無有

儀禮紉解

卷十二

士喪禮上

哭

後艱

某甫其字也若言山甫孔甫矣艱謂有非常若崩壞也

筮人許諾不

述命

述命大夫禮如少牢所云假爾泰筮有常等是也士禮畧不述命

右還北

面指中封而筮卦者在左

中封中央壤也指之若示神以其處

卒

筮執卦以示命筮者命筮者受視反之東面旅

占卒進告于命筮者與主人占之曰從

卦者書卦于木

既卒筮而筮者乃執以示命筮者

主人經哭不踊

經者筮事畢也

若不

從筮擇如初儀

更擇地而筮之亦不遠其故地望溪方氏曰古者族葬五服

中兆域共一處故不

歸殯前北面哭不踊

朝夕哭在

從則左右可更擇

阼階下。今于殯前、明非常。泊邨吳氏曰、哭殯悲親之將遠也。亦若告以筮吉處也。下卜日之哭同。士讓按雜記云、如筮、則史練冠長衣以筮。占者朝服。是史服不純凶、而占者服純吉也。又小記云、附葬者不筮宅。蓋以前已筮吉故也。王制云、墓地不請。此言公家所給族葬有常民不得別求餘處也。則士之墓地屬公地、可知。檀弓葬于北方比首、三代之達禮也。則葬有定向可知。蓋古者始祖營兆一定、而昭穆各以班附。然形地異宜、則相地勢而厝之、亦有不泥者。但不可惑于形家禍福之說耳。

右筮宅 筮宅、冢人物土。

物、猶相也。相其地可葬者、乃營之。

望溪方氏曰、物土、與周語物土之宜同義。古者族葬、兆域雖同、而土壤水泉尋常間即不

能齊故家人
有事司焉

既井椁主人西面拜工左還椁反位哭不踊婦

人哭于堂

匠人爲椁刊治其材構于殯門外形如井字拜工謝其勞也主人西面拜

則工東面矣左還椁由椁之東南行而繞之也反位拜位也既哭之則將往施之窆中矣泊

卽吳氏曰杭木之厚蓋與椁方齊椁繞四旁而

抗木在上故椁可以預施于窆中窆穿壙也既

窆藏明器於旁乃加抗木掩之井云者以其材

縱橫厝上使其乾腊則井椁之距葬期尚遠

獻材于殯門外西面北上綯主人徧視之如哭

椁獻素獻成亦如之

材明器之材視之亦拜工形法定爲素飾治畢爲成

明器須好有此三獻法。

右視樽視器

卜曰。既朝哭。皆復外位。復外位。親賓與焉。士

葬地而後可擇葬日也。經凡嘉禮吉事閒有用

卜者。未有用筮而繼以卜者。葬大事也。筮短龜

長兼用。卜人先奠龜于西塾上南首。有席。楚焯

之慎也。

置于燋。在龜東。楚焯。棘木所以鑽灼龜者。燋。炬

也。所以燃火者。凡卜以陽燧取

明火于日。以此火燒炬。使之燃。又以荆木銳頭

者。柱於火。吹之使熾。以授卜師。用以灼龜。龜南

首。燋在龜族長泣卜及宗人吉服立于門西東

東謂左方。族長泣卜及宗人吉服立于門西東

面南上。占者三人在其南北上。卜人及執爇席

者在塾西。族長族之尊者與主人有親乃位于門西者以將泣卜變其位也吉服玄

端也占者亦吉服文省耳吉服者對神明故也占者三人從二人之言。闔東扉主

婦立于其內。屏門扉也卜葬大事主婦必與闔之位門內示別也。不言而西面可

知。席于闔西闕外。為小者設席亦西面與士冠特性諸筮儀同。宗人

告事具。主人北面免經。左擁之。泣卜即位于門

東西面。擁之以手抱之也。雖暫免猶不離之。卜泣卜族長也。西面當代主人命卜。

人抱龜。爇先。奠龜西首。爇在北。爇先執爇者先龜而行也。奠龜

西首、象神位在西、鄉之。奠龜與燋、皆東面。不言燋、與燋同處可知。宗人受卜人

龜、示高。以龜腹甲高起所當灼處、示泣卜也。近足者其部高。泣卜受視、反

之。宗人還少退受命。受泣卜命。授龜宜。命曰哀

子某來曰某卜葬其父某甫考降無有近悔。日來

將來之日也。某者柔日之名。若乙丑丁酉之類

考登也。降下也。言卜此日葬魂神上下得無近

于咎悔乎。望溪方氏曰卜宅云無有後艱恐

宅不吉而後日有艱也。卜日云無有近悔謂在

途無有傾側顛頓之虞。許諾不述命還卽席西

風雨霑服失容之悔也。宗人既受泣卜

面坐命龜興授卜人龜負東扉。所出命而不述

命者士禮畧也。不述命。又云命龜者。述命之命。

如云假爾泰龜有常云云也。命龜之命。即受之。

泣卜者也。與筮儀同。負東。卜人坐作龜興。

扉。俟龜兆也。此俱指宗人。小人坐作龜興。

之以作其。宗人受龜。示泣卜。泣卜受視。反之宗。

兆致其墨。宗人受龜。示泣卜。泣卜受視。反之宗。

人退東面。乃旅占。卒。不釋龜。告于泣卜。與主人。

占曰某日從。占兆之體色墨。垓以知吉凶。授卜。

人龜。告于主婦。主婦哭。不執龜者。告于異爵者。

使人告于衆賓。凡在外位者告之。其不來者。卜。

人徹龜。宗人告事畢。主人經入哭。如筮宅。賓出。

亦宜使知其期來會葬也。

人徹龜。宗人告事畢。主人經入哭。如筮宅。賓出。

人徹龜。宗人告事畢。主人經入哭。如筮宅。賓出。

人徹龜。宗人告事畢。主人經入哭。如筮宅。賓出。

人徹龜。宗人告事畢。主人經入哭。如筮宅。賓出。

拜送。

拜送于外門外。

若不從卜擇如初儀。

若不從則亦告于主婦而

下其儀則同。曲禮云喪事先遠日。曰擇則其相

去不必旬有一日矣。蓋與吉禮筮日遠近之差

異也。古者士三月而葬。

日之先後當以此為節。

右卜葬曰

卜日吉告從于主婦主婦哭婦

人皆哭主婦升堂哭者皆止。

卜事畢。士讓按士三月而葬

與大夫庶人皆同說見王制而左氏云士踰

月外姻至則又太速矣王制為長又雜記祝

稱卜葬與虞子孫曰哀夫曰乃兄弟曰某卜

葬其兄弟曰伯子某推此例凡經不見者以

義起

可也

右士喪禮上

凡四十七節經文止

記古本

記

士讓按此二篇上下記悉依經文前後次第甚順今仍錄古本如左

士處適寢

寢東首于北墉下有疾疾者齊養者皆齊徹琴瑟疾病外內皆埽徹褻衣加新衣御者四人皆坐持體男女改服屬纊以俟絕氣男子不絕於婦人之手婦人不絕於男子之手乃行禭于五祀乃卒主人啼兄弟哭設牀第當牖衽下莞上

簞。設枕。遷尸。復者朝服。左執領。右執要。招面左。楔貌如輓。上兩末綴足用燕几。校在南。御者坐。持之。卽床而奠。當臍用吉器。若醴若酒。無巾。枵。赴曰。君之臣某死。赴母妻長子。則曰。君之臣某之某死。室中唯主人主婦坐。兄弟有命。夫命婦在焉。亦坐。尸在室。有君命。衆主人不出。襚者委衣于牀。不坐。其襚于室。戶西北面致命。夏祝淅米。差盛之。御者四人。抗衾而浴。檀第。其母之喪。

則內御者浴、髻無笄。設明衣。婦人則設中帶。卒
洗。貝反于筭。實貝。柱右齒。左齒。夏祝徹餘飯。瑱
塞耳。掘坎。南順。廣尺。輪二尺。深三尺。南其壤。塗
用塊。明衣裳。用幕布。袂屬幅。長下膝。有前後裳。
不辟。長及顴。縗。縗。緇。緇。純。設握。裏親膚。繫鈎中
指。結于擘。甸人築圻坎。隸人涇廁。旣襲。宵爲燎。
于中庭。厥明。滅燎。陳衣。凡絞紵用布。倫如朝服。
設櫨于東堂下。南順。齊于坫。饌于其上。兩甒醴。

酒。酒在南。篚在東。南順。實角觶四。木枋二。素勺二。豆在甒北。二以竝。籩亦如之。凡籩豆實具設。皆巾之。觶俟時而酌。枋覆加之。面枋及錯。建之。小斂。辟奠不出室。無踊節。既馮尸。主人袒髻髮。絞帶。衆主人布帶。大斂于阼。大夫升自西階。階東北面東上。既馮尸。大夫逆降。復位。巾奠。執燭者滅燭。出降自阼階。由主人之北東。既殯。主人說髦。三日絞垂冠六升。外緹纓條屬。厭衰三升。

履外納杖下本竹桐一也。居倚廬寢苦枕塊。不說經帶。哭晝夜無時。非喪事不言。歠粥朝一溢米。夕一溢米。不食菜果。主人乘惡車。白狗辟蒲蔽。御以蒲菽。犬服木棺。約綬約轡。木鑣。馬不齊髦。主婦之車亦如之。疏布襖。貳車。白狗攝服。其他皆如乘車。朔月童子執帚卻之。左手奉之。從徹者而入。比奠舉席。埽室聚諸窆。布席如初。卒奠。埽者執帚垂末內鬣。從執燭者而東。燕養饋。

羞湯沐之饌。如他日。朔月若薦新。則不饋於下
室。筮宅。家人物土。卜日吉。告從于主婦。主婦哭。
婦人皆哭。主婦升堂。哭者皆止。
一編但經既分上下篇
今亦依經截記爲上下
土讓按古本上
下篇記原合爲

儀禮紉解卷之十二終